

مستطابق

۱۳۲۶

در سعادته یکی پوسته خانه قارشوسنده
دائرة مخصوصه در

مستطابقه موافق آثار جدید مع المنوبه قول اولنور
درج ایدیلین آثار احاده اولنور

دین، فلسفه، ادبیات، حقوق و علوم دین باحث هفته لقی رساله در

در سعادته نسخه سی ۵۰ باره در

قبریلدن مقوا بورو ایله کوندریلیرسه سنوی
۲۰ غروش فضله آلتیر.

در سعادته پوسته ایله کوندریلیرسه ولایات بدلی اخذ اولنور.

مؤسسه لری: ابوالعلا زین العابدین - ح. اشرف ادیب

سنه لکی القایلی

۳۵ ۶۵

۵۰ ۹۰

۵۵ غروشدر.

در سعادته

ولایاتده

ممالک اجنبیهده

تاریخ تأسیسی:

۱۱ نموز ۳۲۴

برنجی سنه

۳۲۶ رمضان ۱۹ پنجشنبه تشرین اول ۲ ۳۲۴

عدد: ۸

نفسیه

تقریر

« دین » جزا (عاملک عملده کوره مکافات و مجازات) معناسنه
مصدر در . دان ، یدین ، جزای یجزی ، اسمای سبحانیه دن « دین »
مجازی ایله تفسیر اولنور . (کاتدین تدان) مثل مشهوری بوندن
مأخوذ و صنایع بدیهه دن مشاکله اسلوبی اوزره وارد در که : ایشلیدیک
فعله کوره جزا کور رسک دیمکدر . (دین) شریعت و اطاعت معناسنه ده
کلیر . بوراده بومعناله حل ایدمکده ممکندر . فقط حذف مضافه لزوم
کوریلور .

استفاضه

(مالک يوم الدين) نظم جلیلی نفس جزایه دکل ! يوم جزایه
مالکیت سبحانیه ی مفید اولمسنه مبنی جزای اعمالک سائر ایامدن ممتاز
بر يوم مخصوصی اولدینی اشعار ایتمکده در که ایشته اصل اوزمان هر
عامل عملنه ملاقی اوله حق و جزای لایقنی کوره جک دیمک اولور .

سؤال : باقلسه بوتون ایام دنیا ایام جزادر . زیرا افراد بشریه
مساعی واقعه لرینه کوره بوعلمده مجازات و مکافات کوریلور . ناسک
تأمین سلامتله احراز بختیاری ایتلری مساعی حسنلری سایه سنده
واو نسبتده اولدینی کبی کرفتار اولدقلری بلایا و محن ده هپ ادای
واجبات و ایفای حقوق باینده کی تفریط و تقصیرلری نتایج طبیعیه سیدر .
جواب : اوته ! عالم دنیا ده عملرمزه جزا ترعی قابل انکار
اوله نماز سده بوترب مطرد دکدر . هر عامل بوتون اعمالک جزا سی

بوراده کور میور . بلکه یالکز بعض اشخاص بعض اعمالک جزا سی
کورمکده در . نصل که « وانما توفون أجورکم يوم القيامة » وایذیقهم
بعض الذی عملوا » کبی نصوص قرآنی ده بوکا دالدر .

صلحای امت ، ارباب استقامت مکافات عاجله یه فی الجمله مظهر قلمقه
اولدقلری کبی شرار فاس دخی کندیلرینه باعث ندامت و سائر لره مدار
عبرت اوله حق مرتبه مجازاته چاریلور لر . سعادت ملیه و سلامت
عمومیه نک مایثوقف علیهی اولان سعی واجبی اخلاص ایتک ، الجاآت
عصر وزمانه کوره داورانموب عطالت و سفاهتله افنای عمر ایلک الک
بویوک سیئاتدن اولدینی حالده بونک جزا سی دنیا ده افراد امتک هر بری
حقنده بادی تأثر اوله حق صورته ظاهر اولموب بلکه هیئت عمومیه نک
بالتدریم کرفتار فلاکت و پریشانی اولمسی طرزنده نمایان اولمقده در .
فی الحقیقه بتون افرادی بوبله بر غفلت و تکاسل ایله اصرار حیات
ایتمکده ، کوره نک بلاسنه دوچار اوله رق لایقانه داورانقده اولان
ملتیر ، جمعیتلر جناب فاطرک وضع بیورمش اولدینی قوانین تمیش
و اعتلانک خارجه چیقمش ، واجب السلوک اولان صراط مستقیمدن
عدول و انحراف ایله ش اولملری حسیله نظام عالمه و قانون عدل آلهی یه
توفیقاً فقر و مذلت و فقد عز و شوکت کبی لائق اولدقلری بیک درلو بلا
وعقوبته معروض و سائر ملتیرک زیر تابعت و اسارتنده یاشامغه محکوم
اولور لر .

انجق بو حال مذلت ، بوصفت مقهوریت آنلرک هر برینه ، بالجمله
افرادینه شامل اولموب ایچلرندن برطاقلری ظلم و اعتسافه ، انواع
ارتکابه انهماکلریله برابر فریح فخور بی نهایت مشتهیات ، بیک درلو
تجمعات ایچنده یاشار لر ، مدت عرلرنده هیچ بر آفت کورمز لر ، یالکز
احیاناً وجدان عذاب حسی اینده بیلیلر که بوده یلک اندر در .

بو طاقم سفهای امتك بهضیرینه بر خیلی زمان دبده و احتشام و فوق العاده آلاش و انتظام اوزره عمر سوره كدن صوكرا وخامت انجام باش كوسترر ، صوری و معنوی فلاكت و عقوبتار یاغفه باشلار سده بو نلرك كرفنار اولدقلری جزای الیم هیئت عومیهك تدنی واضمحالاتی موجب اولان سیأت و تجاوزات واقعه لریك عشر معشاری عد اولنه ماز .

كذلك بر چوق اصحاب حسناتك ، عوم ناس حقنده عدل واحسان ايله معامله بی التزام ایدن بر طاقم ارباب حیتك بوتون عمرلری مضایقه شدیدیه ایچنده محو اولور ، حقوقلری اضاعه وانور ، لائق و مستحق اولدقلری مكافاتدن محروم براقیلیرلر . یالكز راحت وجدان و ادب و عرفانلریله تنعم ایدرك متسلی اوله بیلیرلركه بده بر ثواب روحانی ، بر مكافات معنویه دیكدر . فقط بو قدر جق مكافات آنلرك مساعی مدد و حله لرینه جزای کافی اوله ماز .

الحاصل دنیاده مجازات و مكافات تامه اجرا اولنمادی بی ، هر كسك عملنه موافق جزا ايله جزاالنمادی بی و ارسته اطناب مقلدر .

بناءً على ذلك عقلاً وحكمةً عالم آخردہ بر « يوم الدين » لزوم قطعی واردركه آنده « فن يعمل مثقال ذرة خيراً يره ومن يعمل مثقال ذرة شراً يره » فخرای معدلت احتواسنجہ افراد عاملینك هر بری خیر و شره دائر نه قدر ناچیز اولورسه اولسون بوتون اعمالك نتایجی كوره جك ، ای و فنا هیچ بر سعی و نیت ضایع قلمیه جق در .

نکته کلامیه

بو اوصاف جلیله بی اسم جلاله صفت قیله رق واجب الوجود حضرت لرینه اثبات ایتك ذات الوهیتدن بشقه علی الحقیقه جدو ثنایه اهل و مستحق بولند یغنه دلالت ایچوندر . زیرا علته صالح اولان وصفه تعلیق حکم ، وصفك حکمه هلیتنی مشعردر . بناءً علیه نظم جلیلدن استحقاق جدك علت موجه سی جناب باری تعالی نك بالجمله كائناتده موجب و مریدی ونعم والطف ظاهره و باطنه نك منعم حقیقیسی و روز جزانك ، عالم آخرتك مرجع یكانه سی اولمسندن عبارت اولدی بی مستفاد اولور . بو اوصاف جلیله نك هیچ برنده مولای متعال حضرت لرینه مشاركت ایدر بر فرد یو قدر كه استحقاق جدو ثناده بر کیسه نك اشتراکی تصور اولونه بیلسون .

بلاغت

اوصاف اربعه نك ترتیبده ده مناسبت تامه واردر . چونكه عبد حامد ایفای جد و ثنا مقامنده جناب بارینك اولار ربوبیت و خالقیتنی ، ثانیاً حال و استقبالجله معلوم اولان منعمیتی ، ثالثاً روز جزاده کی حاکمیتنی ملاحظه ایله بحر شهوده مستغرق اولوب جمیع ماسودان قطع علاقه ایتدجكه (ایاك نعبد و ایاك نستعین) نظم جلیلنك مفادی اولان حصر عبادت و استعانه یه اهل اوله ماز ، آیت مذکوریه بی حین تلاوته مصلی بو ملاحظه ده بولنمایدركه غفلتدن آزاده اولسون . ترتیب مذکورك ارباب ارشاد طرفندن وقوع بوله جق توحید و عبادته دعوت مقامنده مناسبتی اشكاردر . زیرا دركاه سبحانی یه

حصر توجه و عبادتك باعث اعظمی حائز الوهیت اولمسیدر . فقط وصف الوهیت كه هو حقّه بزلره معلوم اوله مدینی جهته كانه عوالم حقنده مشهود اولان آثار بی نهایت سیله مجزوم بولنسان (ربوبیت) صفت جلیله سنه نقل كلام اولنش بعده بو ملاحظه ایله متأثر اولیان اشخاصك باری كندیلرینه واصل و موعود اولان نعم سبحانییه قارشو بورجلی اولدقلری تشكراتك ایفاسی مقصدیله عبادات و طاعاته اهتمام ایتلری ، و بو وظیفه دن ده ذهول ایدنلرك مجازات اخرویه بی كوز اوكنه آلهرق ، سطوت قاهره سبحانییه دن قورقه رق عرض انقیاده مجبور اولملری لازم كله جکی اخطار بیورلمشدر . ایشته بو اسلوبه توفیقاً بو مرتبه موجز بر كلام ایله افاده حقیقت فوقنده بر بلاغت تصور اولنه ماز .

إِيَّاكَ نَعْبُدُ وَإِيَّاكَ نَسْتَعِينُ :

اشبوصفات عظيمة آلهیه ايله تفرد و سبحانیكه بناءً جمیع ماسودان تمیز و جلال و عظمتله توحید ایلین معبود ذوالجلال ! بزلر انجق سكا عبادت ایدرز وكافه امور واحواله دركاه سبحانیكه مراجعتله سنندن عنایت بكلرز .

نکته بیانیه

صدر كلامده محامد واثیه عالیه نك كافه سنه حقیق ولایق اولان ذات واجب الوجود حضرت لری ذكر و بعده اوصاف قدسیه سبحانییه سیله توصیف ایدلمش اولسی اوزرینه ذات اجل معبود حامد نظرنده تمیز و تعین ایتمش و بو سایه ده حامدك مقام قرب و شهوده وصولی تحقق ایلش اولسنه دلالت ایچون بوراده اسلوب غیبتدن اسلوب خطابه تحویل كلام بیورلمشدر .

مناسبتی اسماعیل مقلی

نحاسب قرآنیه

سورة بقره آیت — ۲۸۳

« يا ايها الذين آمنوا اذا تداینتم بدین الی اجل مسماً فكتبوه ... الآية » [سورة بقره نك شو موضعده ذكر اولنان احكام شرعیه دن بری ده آیت مداینه در . جناب نسق ساز امور عزشانه بو سوره ده اولا عبادینه فی سبیل الله اتفاق و ترك ریا ایله امر بیوردق دن صكره « آیت مداینه » اطلاق اولنان بو آیتده انلری مال حلالك حفظی و فساد و تلفدن صیاتی خصوصنه دعوت ایدیور . و چونكه اموال سبب مصالح معاش و معاد اولوب انسان انكله اتفاق فی سبیل الله و ربا و سائر كبی غضب الهی یه باعث احوال دن اعراضه و تقوی الله ملازمت و مواظبه قدرتیاب اوله جفندن علی الاكثر الفاظ قرآنده جاری اولان اختصارك خلافنه اولهرق بو آیتده محضاً حفظ امواله احتیاطه تشویق و ارشاد اولمق اوزره اكید امرلر و بلیغ تعلیمات ایله ، بینلرنده جاری معاوضات اثناسنده دینی مشتمل وقوع بولان معامله نك حالی بیانه شروع ایدرك